

Non vultum inflexit, non ora convertit: non gemitum, non lacrymam dedit. Denique, cum cetera pœnarum genera vicisset, gladium, quem quærebatur, invenit. » Romæ enim via Appia gladio percussa anno Domini 304, die 10 februarii, virginitatis, eque ac martyrii lauream tulit. Molanus in Sanctis Belgii scribit corpus ejus Doradri in Hollandia asservari.

Denique S. Ephrem, tract. De abstinentia a cupiditatibus carnal., hunc versum præcedenti, quasi causam effectui præponit, siveque legit: « Ne acceptoris personæ contra faciem tuam, neque confundaris in casu tuo. Est enim confusio adducens peccatum, et est confusio adducens gloriam et gratiam; » vel, ut idem cum Greecis legit tract. De timore Dei, « est confusio gloria et gratia. »

Est hæc prima mundani malique pudoris species, qua ob reverentiam personæ potenter quem det dicere verum, ac mentitur, vel mendacio sentit in perniciem sui ipsius suæque animæ. quitur secunda, qua quem pudet corripere proximum peccantem vel errantem, de qua ait:

27. NE REVEREARIS (Tigurina, ne reformides) PROXIMUM TUUM IN CASU SUO, — q. d. Non pudeat te corripere proximum, cum cadit in aliquid peccatum vel errorem. Unde subdit:

28. NEC RETINEAS VERBUM (correptionis, instructionis et consilii) IN TEMPORE SALUTIS, — quo, scilicet, potes ejus salutem, eum corripiendo et instruendo, consulere. Græca jam aliter habent, nimurum: non erubescas ad casum, vel perniciem tuam; Syrus et Arabicus, non erubescas confiteri delicta tua, ut paulo ante recensui. Porro, pro nec retineas verbum in tempore salutis, Arabicus vertit, ne avarus sis in sermone tuo, cum proderis, id est, cum prodesse poteris; Tigurina, salutiferam occasionem nactus, ne comprimas sermonem. Vere Seneca in Proverbiis: « Amici, inquit, vitia si feras, facis tua. Cum his conversare, qui te corrigan. Secreto admone amicos, palam lauda: vitia transmittit ad posteros, qui praesentibus culpis ignoscit. Bonis noget, qui malis parcit. » Sic Jethro non erubuit corripere Mosen, ac admonere ut adjutores sibi in regendo populo asciceret, Exodi xviii; quin et Comicus amicum hac nota certissima designat:

Si quid, inquit, me scis fecisse inscite aut improbe, Si id non accusas, tu ipse objurgandus es.

Secundo, « Ne reverearis proximum in casu suo, » q. d. Ne vereare proximum visere et solari, ne te pudeat ejus, cum videris eum a statu suo honorato cecidisse in inopiam et ignominiam: nec retineas eo tempore verbum salutiferum, puta consolatorium, quo eum erigas, instruas, sustentes, uti fecerunt amici Job eum afflictum visitantes et consolantes.

Tertio, Palacius hæc refert ad Martyres animandos in persecuzione, q. d. Ne reverearis, id est, ne timeas proximum minantem tibi casus et

ruinas, ut propter ejus minas et retineas verbum in tempore salutis, » quo, scilicet, veram fidem et virtutem profitearis et prædictes. Sic et Rabanus hæc omnia explicat de Martyribus.

NON ABSCONDAS SAPIENTIAM TUAM IN DECORE SUO. — Graece, sis καλλονή, id est, ad ornatum, vel pulchritudinem Quod, primo, sic aliqui explicant, q. d. Ne abscondas sapientiam, ut videaris esse bellus et pulcher, puta, doctus et sapiens. Secundo, melius alii, q. d. Ne abscondas sapientiam, cum illa pandenda et decoranda est, cum, scilicet, pulchrum et decorum est eam promovere: quod fit, cum per eam promovi poscit Dei gloria, et proximorum salus; quod paulo ante dixit: « in tempore salutis. » Unde Tigurina vertit, ne sapientiam tuam celes, quo minus reddas illumitem. Hunc ergo honorem debemus, non nobis, sed sapientiae, ut eam enuntiemus, cum per hoc illa decoratur; cum vero illa a stolidis ridetur et spernitur, silenda et celanda est, ne sanctum demus canibus, neve margaritas projiciamus ante porcos, qui illas conculcent et conspurcent, uti monet Christus Matth. vii, 6.

Tertia, est hæc mali pudoris et silentii species, t qua quis ex pudore silet sapientiam, eum ipsa eloquio honoranda et decoranda est. Huc facit illud Proverb. xi, vers. 26: « Qui abscondit frumenta, inquit, maledicetur in populis; benedictio autem super caput vendentium. » Quod explicans D. Gregorius III parte Pastor., admon. 26: « Frumenta, inquit, abscondere, est prædicationis sanctæ apud se verba retinere; in populis autem talis quisque maledicetur, quia in solius culpa silentii pro multorum, quos corrigere poterat, pena damnatur. »

29. IN LINGUA ENIM (sapientiam proloquente) SAPIENTIA DIGNOSCITUR, ET SENSUS EST SCIENTIA (ita legit Jansenius, q. d. Sensatus sermo index et effectus est scientiae, quin et causa scientiae: sensata enim oratio parit sapientiam in audiente eam; sed corrigere cum Romanis): ET SENSUS, ET SCIENTIA, ET DOCTRINA (scilicet, est) IN VERBO SENSAI, — q. d. Sensatus, sive cordatus, loquitur sensate, et in suis verbis ostendit scientiam et doctrinam, tum speculativam, tum potius practicam, puta prudentiam. Siracides enim, æque ac Salomon, prudentiam, suamque Ethicam nunc vocat sapientiam, nunc scientiam, nunc doctrinam, nunc disciplinam, nunc intellectum, nunc sensum. Rursum cum Palacio hæc tria ita distinguas: « Sensus » vocatur vivida perceptio, et velut tactus quidam et experientia rerum spiritualium; « scientia » est notitia rerum naturalium; « doctrina » est eruditio, sive facultas et facilitas docendi in docente. Hæc tria non agnoscentur, nisi ex verbis sensati et prudentis. Addit denique:

Et FIRMAMENTUM IN OPERIBUS JUSTITIE, — scilicet doctrinæ, vel veritatis doctæ, q. d. Optima confirmatio et persuasio sapientiae et doctrinæ est ea quæ fit, non per verba, sed per opera justitiae

facta a docente: opera enim, quia realia, magis vocalia sunt verbis. Ita Lyranus. Aliter Jansenius: Hisce verbis, ait, significatur de qua doctrina sit sermo, nempe, de ea que sit firmamentum justitiae, hoc est, qua homines firmantur in operibus bonis. Aliter quoque Palacius: Sicut, inquit, per verbum agnoscitur magistri doctrina; ita « firmamentum, » seu firmitas et constantia animi agnoscitur in operibus justitiae: si enim tempore persecutionis operaris justitiam, minime ab ea deflectens, firmum te esse demonstras. Vis hæc omnia velut in speculo videre? Christi vitam coram oculis statue. Videbis eum dicentem: « Non abscondi justitiam tuam, et veritatem tuam a concilio multo. » Quam vero magni constitut hanc sapientiam non abscondisse, audi sequentia: « Tu autem, Domine, ne longe facias miserationes tuas a me. Quoniam circumdederunt me mala, quorum non est numerus, » etc. Ergo in lingua Christi dignoscitur sapientia, sensus, scientia et doctrina, et in ejus operibus firmitas animi.

Græca pro his omnibus tantum habent: nam ex sermone sapientia cognoscitur, et e verbis linguae eruditio; Syrus, ne abscondas sapientiam tuam, quia in sermone cognoscitur sapientia, et intelligentia in confabulatione; Arabicus, Quoniam scientia ex eloquio cognoscitur, et intelligentiam peccare facit lingua. Sermo enim est mentis speculum et imago. Unde Socrates ad adolescentem: « Loquere, inquit, ut te (tuam mentem, prudentiam, sensa) videam. » Sunt enim verba vehiculum mentis. Est oratio interpres animi. Sermo est lux, qua cor, et ea quæ sunt in corde, videntur. Vere Seneca in Proverbiis: « Imago animi, ait, est sermo; qualis vir, talis oratio. » Et Menander: « Viri character ex sermone cognoscitur. » Porro sermonis firmamentum est opus justitiae, quod Hebræ dicunt: « Non sermo radix, sed opus, q. d. Semper plus facere debemus, quam dicere. Plus in negotiis gerendis res, quam verba prosunt. Qualis arbor sine radice, talis est sermo sine opere. Quod Orator de virtute dixit, « rem esse, non verba; » idem de scientia dicas. Qui hoc seculum cum patrum aeo comparant, dicunt patres plus conscientiae, minus scientia habuisse; nos vero plus conscientiae, minus conscientiae habere. Scientiam adeptus es? laudo; sed magis, si conscientiam: vera enim scientia ita tractanda est, ut melior potius quam doctior evadat, ut pectus instruas magis quam mentem acuas, inquit Palacius.

30. NON CONTRADICAS VERBO VERITATIS ULLO MODO. — Est enim tam divina res veritas, ut sit ipse Deus, ait Palacius. Torquet hæc verba S. Augustinus lib. III Contra Parmen. cap. vi, contra Donatistas, qui imprudenter veritati, æque ac edicto Constantini Imperatoris resistebant: « Nonne, inquit, scriptum est: Non contradicasullo modo veritati? Cui autem nisi veritati contradicitur, cum etiam regi ex veritate aliquid jubenti resistitur? »

ET DE MENDACIO INERUDITIONIS (Græce ἀποτελεσματικός, id est, indiscretionis, inscitiae, imperitiae) TUUM (hoc est, indiscretinate, inscite, imperit, temere, imprudenter prolatu), CONFUNDERE. — Ita Romana et Græca nonnulla, licet Complutensia, Tigurina et alii deleant a mendacio, legantque tantum, de ineruditione tua confundere. Sed tum quoque per ineruditionem intelligitur mendacium, vel falsitas, qua veritati contradicit; de eo enim sermo præcessit: sicut enim veritas est res divina; ita mendacium est res diabolica. Diabolus enim est « mendax et pater ejus, » scilicet mendacii, Joan. cap. viii, 44. Est ergo turpissimum a castis veritatis deficere ad castra mendacii (hoc enim est transire a castris Dei ad castra diaboli), maxime viro Christiano, cuius tota laus et salus in veritate consistit.

Est hæc quarta mali pudoris species, opposita secundæ vers. 27. Sicut enim ibi jussit Vinci pudorem, qui hominem detinet, ne proximum peccantem corripiat; ita vice versa hic monet eum qui corripiatur, ne ex superbo pudore contradicat veritati, ac mendaciter neget se commisso peccatum de quo arguitur, aut illud quasi recte factum velit excusare et defendere. Unde de eodem subdit: « Non confundaris confiteri peccata tua. » Sensus ergo est, q. d. Si quod mendacium per imprudentiam, incogitantiam, præcipitationem, inscitiam prolocutus es, ubi hoc adverteris, noli ilium tueri, sed confundere, revoca et emenda: pudor enim laudabilis est, quo quis errorem humiliter agnoscit et confitetur; vituperabilis vero est, quo quis superbe errorem tueri satagit, ne errasse videatur; nolle enim pudere de pudendo, magnæ est impudentia; ac nolle penitente de penitendo, arrogantis est impoenitientia. Huic expositioni favet Tigurina, dum veritatem contradicas veritati ullo modo, quamobrem fallacis imperitiae te pudeat.

Secundo, Jansenius apposite sic exponit, q. d. Pudeat te deprehendi mendacem, dum per imprudentiam tuam, inscitiam et audaciam veritati contradicis, ut quod dicitur, « de mendacio confundere, » accipiatur de mendacio non commiso, sed committendo; hoc enim apte respondet ei quod præcessit: « Non contradicas verbo veritatis, » ideoque « de mendacio confundere, » q. d. Ideoque pudeat te mentiri, quia per mendacium contradicis veritati. Huic expositioni favet Syrus: Ne garrias contra veritatem, et a stultitiae tuis contine te; et Arabicus: Ne adverseris æquitati, neve cum illa contendas, et regredere a lelicitis tuis, et averte te ab eis.

Unde S. Augustinus, lib. III Contra Parmen. cap. vi, hæc applicans hereticis qui resistunt fidei, qualis erat Parmenianus et Donatista: « Cui autem, inquit, nisi veritati contradicitur, cur etiam regi ex veritate aliquid jubenti resistitur? Sed rex homo qui minatur, vel qui judicat ad temporis, molestus est: non sic ille Rex, qui etiam

Veritas dicitur. » Denique B. Antiochus, homil. 60 de Verecundia, citans hunc *Eccles.* locum : « Confusio faciei, inquit, cooperuit me. Hujusmodi pudor, sive verecundia plane sancta est, cum secundum Deum sit, ut quae hominem adducat ad poenitentiam, ac proinde non mediocrem affert animas fiduciam. »

31. NON CONFUNDARIS CONFITERI PECCATA TUA. — Est haec *quinta* pravi pudoris species, qua quem pudet peccata confiteri. Non loquitur Siracides præcise de Confessione Sacramentali, utpote quæ illo tempore neclum erat instituta; sed generatim de confessione, qua quis legitime de peccato rogatus, monitus aut corruptus, illud falso negat. Unde Græca hic addunt id quod Noster habet vers. sequent. Nec *adversus cursum fluminis contendas*, q. d. Noli contra veritatem omnium, præsertim Superiorum, ore contra te currentem leque arguentem, negando peccatum contendere; quia vi et communis voce veritatis, quasi fluminis vinceris, magisque patiefet tua iniquitas, falsitas et impudentia. Quocirca multo magis haec sententia habet locum in Confessione Sacramentali, postquam illa a Christo fuit instituta, utpote in qua jussit sanxitque Deus peccata pandi, de iisque confundi et poenitere.

Contra hanc sententiam et legem peccavit Adam, cum culpam suam impudenter in *Evam* rejecit, *Genes.* iii, ideoque paradiſo ejectus, et morte cum posteris omnibus muletatus est. Tu vero, si Deum tibi optas propitium, cum Davide dico: « Tibi soli peccavi, et malum coram te feci. Humiliter ergo peccata tua confitere Deo aut homini, præsertim si is habeat potestatem et sapientiam, qua te convincere et punire, aut peccata remittere, iisque mederi possit, ut per humilem confessionem et agnitionem peccati veniam consequaris, ultiōne evadas, et misericordiam gratiamque nanciscaris. Porro solet dæmon pudorem, quem peccatori, dum peccaret, abstulit, eidem, dum illud vult confiteri, resiliere, ut confessionem impedit, eumque in peccato captivum detineat. Quocirca Tertullianus, lib. *De Penitentia*, cap. x: « Plerisque, inquit, hoc opus in publicationem sui, aut suffugere, aut de die in diem differre præsumo, pudoris magis memores quam salutis. » Et mox ironice: « Næ tu verecundia bonus ad delinquendum expandens frontem, ad deprecandum vero subducens; » c. S. Augustinus vel quisquis est auctor, lib. II *De Visit. infirm.*: cap. v. « Heu! cur erubescis, inquit, confiteri quod facere nequam erubuisti? » et S. Bernardus in *Sent.*: « Cur te pudet, inquit, peccatum tuum dicere, quem non pudet facere? »

Pudor hic excutiebas es primo, timore majoris pudoris, quo afficeretur peccator in die judicii; sic enim clavus clavo pellitur. Unde S. Gregorius Nazianzenus, orat. in S. Baptisma: « Ne peccatum, inquit, confiteri graveris, ut, per

hujus vite pudorem, futuri sæculi pudorem ignoriamque fugias; » et S. Augustinus loco citato: « Melius, inquit, est coram uno aliquantulum ruboris tolerare, quam in die iusticiæ coram tot milibus hominum, gravi repulsæ denotatum tabescere. » Secundo, cogitando confessionem nemini esse pudori, sed gloriae, quod per illam de superbia, peccato, nobis ipsis ac dæmoni triumphemus. Unde Nazianzenus loco jam citato: « Perspicuum, inquit, facias te serio atque ex animo peccatum odisse, dum illud tanquam contumeliam dignum traducis, ac velut ludibrio exponis, de quo triumphum agis. » Exempla hujus triumphi illustria recenset Climachus grad. 4 et 5 *de Panentiu*.

Quocirca merito exclamat S. Bernardus, epist. 185 *ad Eustachium*: « O verecundia, inquit, expers rationis, inimica salutis, totius ignara honoris et honestatis. Hæc plane illa, quam Sapiens loquitur, confusio adducens peccatum. Itane verecundum est homini vinci a Deo, et probro ducitur humiliari sub potentia manu Altissimi? Nam ita rex ille gloriosus David: « Tibi soli peccavi, et malum coram te feci, ut justificeris in sermonibus tuis, et vincas cum judicaris. Summum victoriae genus, divinæ cedere majestati; et auctoritati matris Ecclesiæ non reluctari, summus honor et gloria. O perversitas! Non pudet inquinari, et ablii pudet! Est pudor (juxta Sapientem) adducens gloriam; si videlicet peccare pudeat: si non, pudeat vel peccasse; et ita vel sera gloria non carebis; reducente nimurum pudore, quam culpa fugaverat. Secundum tenent beatitudinis locum, quorum remissæ sunt iniquitates, et quorum tecta sunt peccata. Honorabile tegumentum, de quo loquitur: Confessio et pulchritudo in conspectu ejus. Quis mihi tribuat videre te in vestitu deaurato, ut dicamus et tibi: Confessionem et decorum induisti, amictus lumine sicut vestimento. »

Idem, *serm. 4 inter minores*: « Melior est, ait, in malis factis humilis confessio, quam in bonis factis superba gloriatio. » Idem, in *Medit. cap. xxxvii*: « Omnia in confessione lavantur, conscientia mundatur, amaritudo tollitur, peccatum fugatur, tranquillitas reddit, spes reviviscit, animus hilarescit. Post Baptismum nullum aliud est remedium, quam confessionis refugium. Sit ergo devota cordis compunction, vera oris confessio, discreta carnis mortificatio, repentina vivorum extirpacio, læta bonorum operum exhibitio. » Et mox: « Simulata confessio non est confessio, sed duplex confusio. Excludit enim miserationem Dei misericordia simulatio. Nec dignatio locum habet, ubi fuerit dignitatis præsumptio. » Mutuatus est Siracides hanc gnomen a Salomone, *Proverb. xviii*, 47: « Justus prior est accusator sui. » Ubi plura de confessione dicam.

ET NE SUBJICIAS TE OMNI HOMINI PRO PECCATO, — q. d. Non confundaris confiteri peccata tua; con-

fundere autem de ipso peccato, ita ut nulli (Hebr. enim, *non omni*, idem est quod *nulli*) homini ad peccatum sollicitanti te subjicias ad illud perpetrandum. Prior ergo hemisticchio Siracides horatur ad confessionem peccati patrati, posteriore dehortatur a consensu patrandi. Ita Rabanus, *Glossa Interlinearis*, et Palacius. Hunc sensum exigunt Græca, *ne te sumittas stulto homini*; et Syrus, *ne subjicias dementi te ipsum*; et Arabicus, *ne contendas cum insipiente, et ne præbeas nomen tuum stulto*. Alter Lyranus, q. d. Noli te subjicere cuilibet homini, ut cuiilibet peccata confitearis; sed ei tantum, qui illa novit, potestque iis salutare remedium adhibere vel ostendere. Alter quoque Jansenius, qui, ut hæc omnia inter se necat, ita explicat, q. d. Ne confundaris confiteri peccata tua, dum a sapiente, vel superiori et judge de eis argueris, et « ne pro peccato » a te admisso ulli « homini te subjicias », hoc est obnoxium facias majori, et novæ reprehensioni ac ultiōni, si scilicet mendax inveniaris, dum vis negare, vel excusare peccata commissa. Quare « noli resistere contra faciem potentis, » pro peccato, scilicet a te admisso; hoc est, cum judex, aut quivis alius, qui potest tua mendacia confutare et vindicare, te peccato arguit, noli mendaciis te contra eum defendere, « nec coneris contra ictum fluminis, » id est, nec contra potentiam ejus, qui te veritate oppugnat, obnitere. Id enim perinde est, ac si coneris contra ictum, id est vim fluminis. Verum hæc expositio, licet magis connexa, minus tamen plena, magisque coacta videtur, eique adversatur textus Græcus, Syrus et Arabicus.

32. NOLI RESISTERE CONTRA FACIEM POTENTIS, NEC CONERIS CONTRA ICTUM (Græca Complut., cursum; Romana, *fluxum* FLUVI, — q. d. Noli resistere potenti, sive homini, sive populo et multitudini; quia illi resistere non poteris, sicut resistere nequis ictui, id est impetu fluminis. Est disparatum et diversum hoc a præcedenti præceptum, qualia sunt pleraque in hoc libro; apte tamen præcedenti subnectitur, q. d. Ne subjicias te homini pro peccato; sed neque resistas potenti, ubi ille ad peccatum te non urget; illud enim pravitatis est, hoc imprudentia. Frustra enim nisi, et nihil aliud laborando, quam odium querere, extreme dementia est, ait ex Sallustio S. Hieronymus: « Sic Samuel populo temere regem poscenti, consuite cessit, deditque Saulem, I Regum. viii. Porro Complut. et S. Augustinus in Speculo pro fluminis legunt fulminis. Potens enim et audax similis est fulmini, cuius ictus omnia etiam durissima penetrat, liquat et siderat. Quis huic resistat? Haec est quasi ratio a priori. »

Noia: Hi duo versūs, scilicet 30 et 31, qui sic habent in Latina Vulgata: « Ne confundaris confiteri peccata tua, et non subjicias te omni homini pro peccato. Noli resistere contra faciem potentis, nec coneris contra ictum fluvii, » aliter ha-

bent in Græcis codicibus, qui etiam sententiarum membra trajiciunt, puta quædam præponunt, quædam postponunt; sic enim habent, ne erubescas confiteri peccata tua, ne aduersus cursum fluminis contendas. Ne te submittas, r̄e substeras stulto homini, nec vultu potenter cedes. Porro Syrus ad Græcum accedit; ab eo tamen nonnulli discrepat; sic enim habet: ne erubescas confiteri peccata tua, et ne resistas stulto. Ne subjicias dementi te ipsum, et ne contendas adversus dominum, puta principem vel herum; et Arabicus, ne confundaris confiteri peccata tua; ne contendas cum insipiente, et ne præbeas nomen tuum stulto: ne contendas cum principe. Verum hæc versiones et lectiones non tam apte coherent quam Latina Vulgata: quare ejus auctor Latinus Interpres videtur habuisse emendatius exemplar Græcum, uti hic fatentur et annotarunt Interpretes, non tantum orthodoxi, sed et heterodoxi, imo caco-doxi in fide.

Hanc Siracidis gnomen illustrat apodus arundinis et olivæ apud Aësopum: « De viribus, inquit, arundo et oliva contendebant; cum arundini oliva convicium faceret, utpote imbecilla, ac facile cedenti ventis omnibus, arundo tacendo nihil locuta est. Ac parumper prestolata, ubi acer afflavit ventus, arundo successa et inclinata ventis, facile evasit; oliva autem, cum ventis resistisset, vi diffracta est. Affabulatio: Fabula significat eos, qui tempori ac præstantioribus non resistunt, meliores esse iis qui cum potentioribus contendunt. »

Porro Nazianzenus, epist. 57 *ad Eudoxium*, hanc paræmiam adaptat naturæ, q. d. « Ne coneris contra ictum fluvii, » hoc est, ne coneris contra propensionem naturæ, juxta illud:

Tu nihil invita facies dicesve Minerva.

33. PRO JUSTITIA AGONIZARE PRO ANIMA TUA, ET USQUE AD MORTEM CERTA PRO JUSTITIA, ET DEUS EXPUGNABIT PRO TE INIMICOS TUOS. — Græca de more hic magis sunt concisa; enim habent, ad mortem usque decerta pro veritate, et Dominus prægnabit pro te. Et sic legit Joannes Maxentius, Praefat. in Dialog. contra Nestor. Et Syrus, usque ad mortem certa pro veritate, et Dominus certabit pro te. Addit Arabicus, et victorem te redet. Hic versus respicit et spectat ad versum 24: « Pro anima tua ne confundaris dicere verum; » et ad versum 30: « Non contradicas verbo veritatis. » Illis enim hic per gradationem addit: « Usque ad mortem certa pro veritate; ut ostendat quam nobis curæ et cordi debeat esse veritas, quamque ejus tutelam et patrocinium suscipere debeamus, scilicet ut pro ea dimicemus usque ad mortem. Veritatem intellige, sum fidei et religionis, tum morum, actionum et virtutum, præsertim justitiae proprie dictæ. Unde Noster solerter veritatem, justitiam. Justitia enim generaliter hic capitur pro religione æquitate et qua-

libet virtute; sed maxime pro justitia proprie-
dista: pro ea enim quasi pro anima certare de-
bet, quia ex justitia et virtute pendet anima
felicitas praesens et æterna, adeoque virtus est
animæ salus, imo animæ anima. Ne quis enim
dicat: Justitiae patrocinium ad me non pertinet.

Addit: « Agonizare pro anima tua, » q. d.
Dum pro justitia agonizas et certas, certas pro
anima tua, imo certas pro Deo, qui est prima et
increata veritas et justitia, quique animam tibi
dedit, ut pro ea et veritate certes usque ad mor-
tem. Unde Dionysius apud Antonium in *Melissa*,
part. I, cap. xxi: « Veritas, inquit, est Deus,
ut pote unum, non multa secundum naturam. Ve-
rum quippe unum est; mendacium autem multi-
plex. Nam et Christus inquit: Ego sum via, ve-
ritas et vita, » *Joan.* xiv. Hinc Jamblicus apud
Stobæum, serm. 11 de *Veritate*: « Veritas, inquit,
ut Græcum ejus etymon indicat, circa Deum et
incorruptam Dei actionem versatur. » Graece enim
veritas dicitur ἀληθεία, quod ἀληθής, id est molat,
seia, id est divina, quod scilicet circa Deum et
divina occupetur, ipsaque sit quasi ἀληθεία, id est
farina Dei et Deitatis.

Nota Græcismum, quo verbum passivum *ago-*
nizare, quasi deponens sumitur active pro *ago-*
niza, certa, conflige, contendere, pugna, dimică;
Græci enim crebrius usurpant passivum ἀγονίζομαι,
quam activum ἀγωνίζομαι, pro certo, dimico, etc.
Simili modo Noster, certari usurpat pro certare,
cap. xi, 9. Porro ad *agonizare* emphasis habet,
q. d. Pro anima tua, ut scilicet salves animam
tuam, omnes vires exere, totoque conatu certa
pro justitia, scilicet ea contentione et agone,
qua moribundi in agonia cum morte luctantur.
In his enim natura, ut se suamque vitam tueatur,
omne suum robur expromit, et extremum poten-
tiae sue exerit. Unde multi e mortis periculo
eluctantur, et vitae restituntur. Aut potius, « ago-
nizare, » id est acerrime certa pro justitia, aque
ac olim pugiles et olympionicae in agone pro
corona certabant usque ad mortem. Alludit ad ago-
nes Olympicos, similesque Græcorum. In Græcia
enim quatuor fuere certamina sacra, quos agones
appellabant, scilicet Nemæa, Pythia, Isthmia,
Olympia, de quibus vide Budæum in *Pandect.* De
iisdem exstat Archie epigramma:

Quatuor Argivis certamina sacra feruntur,
Bina hominum natis, binaque cœlitibus.
Phœbo, ipsique Jovi, Archemoro, et parvo Melicertæ,
Foma, oleastræ, apium, præmia, pinus erant.

Huc quoque allusus Apostolus I *Corinth.* ix, vers.
23: « Omnis qui in agone contendit, ab omnibus se abstinet; et illi quidem, ut corruptibilem
coronam accipiant; nos autem incorruptam. »
Vide dicta ibidem et *Apoc.* iii, in fine.

Præciare Philo, lib. *Quod omnis probus sit liber.*
« Spectavi, inquit, aliquando certantes panera-
tio; alterum obtundentem pugnis et calcibus, to-

tisque viribus contendentem ad victoriam, tan-
dem lassum et incoronatum a stadio discedere;
alterum carnosum, nervosum, musculosum, re-
fertumque spiritu vere athletico, tanquam saxeum
ferreumque nihil plagis cedere, solaque patientia
superare adversarium, et ad extremum adi-
pisci victoriam. » Et statim ad mores, uti solet,
digressus: « Huic similem, inquit, bonum virum
censeo, qui valide confirmatus, certo animi pro-
posito efficit, ut adversarius prius delassetur in-
ferendo injurias, quam ipse quidam agat pre-
ter animi sui sententiam. » Et ibi Hieronymus ad
Heliodorum: « Quid facis in paterna domo, delicate miles? ubi vallum? ubi fossa? ubi hiems
acta sub pellibus? Ecce de celo tuba canit. Ecce
cum nubibus debellatur orbem, Imperator ar-
matus egreditur. Et tu mihi de cubiculo ad aciem:
tu de umbra egrederis ad solem? Corpus, assuetum
tunicis, loricæ onus non fert; caput, operum
linteo, galeam recusat: mollem otio manum
durus exasperat capulus. »

Talis justitiae pugil fuit S. Joannes Baptista,
qui pro jure matrimonii certans et corripiens
adulterum Herodem, ab eo martyrio laureatus
est. Similes fuere ceteri Martyres. Talis quoque
fuit Judas, Jonathas ceterique Machabæi, qui
pro justitia, id est, pro justa patriæ et Ecclesiæ
defensione, contra Antiochum fortissime depu-
gnarunt, ideoque Deus pro eis, imo pro justitia
pugnans, fecit eos victores et gloriosos, ut pauci
ingentes hostium copias profligarent, uti narra-
tur in lib. *Machab.* Milites ergo pro justitia cer-
tent usque ad mortem: quin et fidelis quilibet in
tentatione positus, quasi miles Christi pro Deo et
et justitia configitat cum dæmone, mundo et concupiscentia usque ad mortem, cogitans rem agi de
anima sua, ejusque salute æterna. Vide S. Cyprianum,
Exhortat. ad Martyr., et *Tertullianum in Scorpiano* et *Exhort. ad Martyres*.

Porro apposite hanc sententiam præcedenti
subjicit Siracides, q. d. Dixi: « Noli resistere con-
tra faciem potentis. » Sed intellige, si potens ad
peccatum te non cogat, aut sollicitet; si enim
sollicitet, dico et edico: « Pro justitia agonizare
pro anima tua; » quod Paladius sic explicat, q. d.
Si silentium tuum in justitiae periculum, aut dam-
num cedit, tunc pro ea in agonium mortis te
conjice. Certa contra totum mundum pro pietate,
uti certavit S. Athanasius contra orbem pene tc-
tum Arianum. Non solus certabis, non solus ago-
nem sustinebis; Deus stat pro te. Reste ergo iis
qui justitiam oppugnant. Intellige, si resistere
tibi ex officio incumbat, aut si religio et fides, vel
salus propinquorum ex tua resistencia pendaat.
Alioquin non adeo obligaris principia iniquo resis-
tere, maxime si non spes ex resistencia reme-
diū affuturum.

Ita S. Cornelius gloriatus Pontifex et martyr,
neo et invicto corde restitutus Decio, Gallo et Volu-
no Imperatoribus omnes ad idololatriam co-

tibus, ac Romanis ceterisque Christianis resis-
tendi dux et auctor fuit. Quocirca anno Domini
255, truncato capite, martyri laurea coronatus
evolavit in eccliam; ac non multo post S. Leo I,
in pontificatu successor, via Appia, ubi illus-
trem fidei agonen obiverat, templum æternæ
quasi gloriae theatrum in ejus honorem exci-
tavit. Eudem magnis virtutum elogiis celebrat
coœvus illi et commilito S. Cyprianus, episo-
tola 1 ad *Cornelium*: « Exp̄. mi satis non potest,
inquit, quanta iste exultatio fuerit, etc., ducem
te illie confessionis fratribus exstissee, ut, dum
præcedis ad gloriam, multos feceris gloriae co-
mates; et confessorem populum suaseris fieri,
dum primus paratus es pro omnibus confiteri.
Virtus illic episcopi præcedentis publice com-
probata est, adumbratio fraternitatis ostensa est, dum
apud vos unus animus, et una vox est, Ecclesia
omnis Romana confessa est. » Et lib. IV, epist. 2
ad *Antonianum de Cornelio*: « Acies adhuc geri-
tur, et agon quotidie celebratur. » Et inferius:
« Quanta in ipso suscepto episcopatu suo virtus!
quantum robur animi! qualis firmitas fidei!
quod nos simplici corde et perspicere penitus, et
laudare debemus, sedisse intrepidum Romæ in
sacerdotali cathedra eo tempore, cum tyrannus
infestus sacerdotibus Dei, fanda atque infanda
communaretur; cum multo patientius et tolera-
bilius audiret levari adversus se æmulum prin-
cipem, quam constitui Romæ Dei sacerdotem.
Nonne hic, frater carissime, summo virtutis et fi-
dei testimonio prædicandus est? Nonne inter
gloriosos Confessores et Martyres depulandus,
qui tantum temporis sedit expectans corporis
sui carnifices, et tyranni ferocientis ultores; qui
Cornelium adversus edicta feralia resistentem,
et minas, et cruciatum, et tormenta fidei vigore
calcantem, vel gladio invaderent, vel cruci figerent,
vel igne torrent, vel quolibet inaudito genere poenarum viscera ejus et membra
laniarent? Etiamsi majestas Domini protegen-
tis, et bonitas sacerdotem, quem fieri voluit, fac-
tum quoque protexit; tamen Cornelius, quantum
ad ejus devotionem pertinet et timorem, passus
est quidquid pati potuit; et tyrannum armis, et
bello postmodum victum, prior sacerdotio suo
vicit. »

Coœvus et fortitudine suppar S. Cornelio fuit
S. Babylas, Patriarcha Antiochenus, qui Decium
Imperatorem magno satelliti et fastu ingredien-
tem ecclesiam, majore animo et virtute ex ea ex-
pulit, ideoque gloriatus cibit martyrium: unde
et post mortem in Daphne sepultus, inde dæmo-
nes expulit. Quia admirans S. Joannes Chrysostomus,
lib. *Contra Gentiles*, exclamat: « O animum
in perterritum, mentemque excelsam! o
coeleste pectus et constantiam Angelicam! Ete-
nim ipsum Sanctæ Litteræ erudierant, mundi hu-
ius res omnes non nisi umbram esse et somnium,
et si quid his vanius est. Idecirco cogitationem tra-

ducebat ad supremum illum Regem sedentem
super Cherubim, intuentem abyssos, ad thronum
illum gloriosum, ad Angelorum myriadas, ad chi-
liadas Archangelorum. »

34. NOLI CITATUS ESSE IN LINGUA TUA; ET INUTILIS
ET REMISSUS IN OPERIBUS TUIS. — In Græcis est hic
triplex lectio. Pro *citatus* enim *primo*, Noster legit
τριπότις, id est celer, velox, citus et *citatus*; *secundo*,
Romani, legunt τριπότης, id est asper, durus, ferox;
tertio, Complut. legunt τριπότης, id est audax, teme-
rarius. Sic et Tigurina, ne in lingua tua, inquit
confidens sis; nec rursum in operibus tuis segnis
(τριπότης, id est ignavus, imbellis, segnis, tardus,
piger, somnolentus); Syrus, ne sis elatus in-
quit, in lingua tua, et remissus et debitis in ope-
ribus tuis; et Arabicus, ne sis tumidus in lingua
tua, et iners et negligens in operibus tuis. Sed melior est lectio nostri Interpretis: sic enim
constat antithesis inter citatum in lingua, et re-
missum in opere; vetat enim hic duo: *primo*,
velocitatem ad loquendum; *secundo*, tarditatem
ad bene operandum, que duo vitiosiora sunt, si
jugantur, uti saepe ea jungi videmus. Cum enim
in homine una eademque sit anima, quæ per
linguam loquitur, et per manum operatur, atque
ipsa sit limitata et exiguae attentionis et virtutis,
si totam illam ipsa applicet et exerat in lingua,
parum residui habet, quod exerat in manu et ac-
tione, præsertim cum lingua et manus, locutio et
operatio sint valde disparata et pene contraria.
Unde vulgo dicitur: *Impigræ lingue, ignavi animi.*

Quocirca prudenter Seneca Lucilium monet,
epist. 72: « Summa summarum, inquit, haec erit:
tardiloquum te esse jubeo. » Quin et Psaltes *Psal.*
xxxviii, 2: « Dixi, ait: Custodi via meas, ut
non delinquam in lingua mea. » Causam dat ibi-
dem S. Augustinus. « Non enim, inquit, lingua
frustra in ludo est, nisi quia facile labitur.
Custodi ergo vias tuas, et noli delinquere in lin-
guam; perpende quod dicturus es, examina, con-
sule interiorum veritatem, et sic profer ad exte-
riorem auditorem. » Ibidem S. Ambrosius: « Aliæ,
inquit, sunt viæ, quas debemus sequi; aliæ, quas
custodire: sequi vias Domini, custodire nostras,
ne in culpam dirigantur. Potes autem custodire, si
non cito loquaris. »

Porro haec sententia, cum sit generalis, variis
aptari potest: *Primo*, promissis, q. d. Noli esse ce-
ler in promittendo, tardus in præstando promis-
sum. *Secundo*, mandatis et imperiis, q. d. Noli
esse celer in mandando, tardus in operando, ut
multa aliis ordines et mandes; sed nolis ipse
manum operi admovere. Verus enim familiæ
cœtus et belli dux non dicet suis: « V. facite hoc,
milites; sed, eamus, faciamus, commilitones. Pri-
musque suis anteibit et manum operi admove-
bit, uti dicebat et faciebat Julius Cæsar. *Tertio*,
pigris et acedis, qui multi sunt in loquendo, re-
missi in laborando, ut totum sensum, motum et
vitam videantur habere in lingua, ac consequen-